


A world map with a dark blue background. The continents are colored in shades of green and yellow. Red lines connect various cities across the globe, representing a network or travel routes. The lines are most dense in Europe and North America, with lines extending to other continents like Africa, Asia, and Australia. The text is overlaid on the map.

ԱՇԽԱՐՀԱԳՐԱԿԱՆ ՀԱՅՏՆԱԳՈՐԾՈՒԹՅՈՒՆՆԵՐԻ ՆԱԽԱԴՐՅԱԼՆԵՐԸ

Ասիայի մասին պատկերացումները

Միջնադարում եվրոպացիների՝ Բյուզանդական կայսրությունից սահմաններից այն կողմ գտնվող Ասիայի մասին պատկերացումները հիմնված էին առանձին լուրերով, որոնք հաճախ վերածված էին լեգենդների, որ գալիս էին Ալեքսանդր Մակեդոնացու ու նրա հաջորդների նվաճողական արշավանքների ժամանակներից: Տեղեկությունների աղբյուր էին ծառայում նաև եվրոպացի վաճառականները, որ խաչակիրների ժամանակներից սկսած առևտուր էին կատարում եվրոպացիների ու իսլամադավան ժողովուրդների մեջ:



1154 թվականին արաբ աշխարհագրագետ Ալ-Ինդրիսին, ով աշխատում էր Սիցիլիայի արքա Ռոջեր II-ի արքունիքում, գրեց այդ ժամանակ հայտնի աշխարհի քարտեզի՝ մեկնաբանությունը՝ Ռոջերի գիրքը, սակայն Աֆրիկան մասամբ էր հայտնի քրիստոնյա, ինչպես նաև արաբ ծովագնացներին, իսկ երկրագնդի հարավային մասը մնում էր չուսումնասիրված:

Տեխնիկական նորամուծություններ



Տպագրություն

15-րդ դարում կատարված տպագրության գյուտը խթանեց տեխնիկական ու փիլիսոփայական գիտելիքների տարածումը, ավելի ու ավելի շատ էին օգտագործվում պարզ մեխանիզմներն ու էներգիայի նոր աղբյուրները:



Զենք

Գնդացիրների ու հրաձգային զենքերի ի հայտ գալը թույլ տվեց զգալիորեն անվտանգ դարձնել հեռավոր ճանապարհորդությունները:



Կարավելա

15-րդ դարում ստեղծվեց առագաստանավի նոր տիպ՝ կարավելա: Այս նավերը շատ հարմար էին ծովային երկարատև նավարկությունների համար. դրանք ոչ մեծ չափերի էին, ունեին ոչ մեծ անձնակազմ, բայց տարողունակ էին:



Քարտեզագրություն և նավարկություն

Նոր ձեռքբերումներ կային նաև քարտեզագրության բնագավառում: Քարտեզները դարձան ավելի ճշգրիտ, դրանցում նշվում էին լայնությունները, աստիճանները, նավահանգիստների տեղադրությունը (այդպիսի քարտեզներն ստացան պորտուլան անվանումը): Նավարկությունների ժամանակ օգտագործվում էր կողմնացույց, որի որակը նշանակալիորեն կատարելագործվեց մինչ 16-րդ դարը:

Նոր ուղիների անհրաժեշտություն

Օսմանների կողմից Բալկանների ու Փոքր Ասիայի (ներկայում՝ Թուրքիա) գրավումից հետո եվրոպացիների համար դժվարացավ նախկին առևտրական ճանապարհներով (ցամաքային ու ծովային) երթևեկելը:


Սակայն Արևելքի հետ առևտուրը մեծ եկամուտ էր բերում (700—800% շահույթ), այդ պատճառով էլ ավելի էր մեծանում դեպի Հնդկաստան ու Չինաստան տանող ծովային նոր ճանապարհ (արևելյան ու արևմտյան) գտնելու անհրաժեշտությունը:



Աշխարհագրական մեծ հայտնագործությունների ժամանակաշրջան

15–րդ դարի սկզբից 17–րդ դարի վերջը

Աշխարհագրական մեծ հայտնագործությունների կամ հետազոտությունների ժամանակաշրջանը (15–րդ դարի սկզբից 17–րդ դարի վերջը) Եվրոպայի պատմության այն ժամանակահատվածն է, երբ իրականացվեցին ծովային շրջագայություններ: Այդ ընթացքում եվրոպացիները հայտնաբերեցին նախկինում անհայտ շատ տարածքներ, չնայած շատերը արդեն բնակեցված էին:




Այս հայտնագործություններին հետևեցին բազմաթիվ ծովային շրջագայություններ Ատլանտյան, Հնդկական և Խաղաղ օվկիանոսներով և ցամաքային արշավներ Ամերիկայում, Ասիայում և Ավստրալիայում, որոնք շարունակվեցին մինչև 19-րդ դարի վերջ, իսկ 20-րդ դարում՝ Բևեռային շրջանների հետախուզում:

Անտարկտիդայի հայտնագործումը

Ջեյմս Կուկի կազմած քարտեզը

1772թ. անգլիացի Ջ.Կուկի արշավախումբը շարժվեց հարավ, մոտեցավ Անտարկտիդային, բայց չնկատեց այն: Սառույցները ճեղքել հնարավոր չէր և վերադառնալուց հայտարարեց, որ հարավային մայրցամաք գոյություն չունի, իսկ եթե լինի էլ, ապա դա հնարավոր է միայն բուն բևեռի մոտերքում, որին հասնելը նավարկության համար անմատչելի է:



Մարդն առաջին անգամ ոտք դրեց Անտարկտիդա

1819-1821թթ. ռուսական արշավախումբը «Միրնի» և «Վոստոկ» նավերով և Ֆադեյ Բելինսհաուզենի ու Միխայիլ Լազարևի գլխավորությամբ պտտվեց անհայտ մայրցամաքի շուրջը և, 1820թ.-ի հունվարի 23-ին առաջին անգամ մոտենալով Անտարկտիդայի ափերին, ոտք դրեց մայրցամաքի վրա:

Անտարկտիդայի բնութագրերը

14M

Մակերես
կմ² տարածք

200

Տեղումներ
մմ տարեկան

Այդ օրը մտել է պատմության մեջ որպես Անտարկտիդայի բացահայտման տարեթիվ: Անտարկտիդան համարվում է ամենացուրտ, ամենաչոր մայրցամաքը՝ ամենաուժեղ քամիներով: Անտարկտիդան համարվում է անապատ, քանի որ առափնյա խորությունը տարեկան ավելանում է ընդամենը 200 միլիմետրով, որը տարածքի համեմատ նվազ է:



Այստեղ գոյատևում են միայն ցրտակայուն օրգանիզմներ, որոնց թվում են բազմաթիվ բույսերի և կենդանիների տեսակներ (պինգվիններ, ծովահորթեր և այլն), բակտերիաներ, սնկեր, բույսեր և պրոտիստաներ: Նմանատիպ բուսականությունը բնորոշ է տունդրային:



Քրիստափոր Կոլումբոս

1451–1506

Քրիստափոր Կոլումբոս (1451–1506), իտալացի ծովագնաց, ով իրականացրել է չորս ճանապարհորդություն՝ կտրելով Ատլանտյան օվկիանոսը Իսպանիայի Կաթոլիկ միապետների հովանու ներքո: Նա առաջինն էր Եվրոպայից, ով ճանապարհորդեց դեպի Կարիբյան ավազան, Կենտրոնական Ամերիկա և Հարավային Ամերիկա՝ սկիզբ դնելով Ամերիկայի գաղութացմանը:

Կոլումբոսը հայտնագործեց ծովային ճանապարհ դեպի Ամերիկա, մայրցամաք, որը մինչ այդ անհայտ էր աշխարհին: Չնայած նա կարծում էր, որ հայտնագործել է ճանապարհ դեպի Հեռավոր Արևելք, այդ հայտնագործությունը հիմք հանդիսացավ Ամերիկայի նվաճմանը և բնակեցմանը եվրոպացիների կողմից:

Կոլումբոսի ճանապարհորդությունը



Իսպանացի միապետների՝ թագուհի Իզաբելլայի և Ֆերդինանդ թագավորի հովանավորությամբ՝ Կոլումբոսը նավարկեց դեպի Ասիա փորձելով ուղի գտնել դեպի արևմուտք: Նրա նպատակն էր ուղիղ առևտրային կապեր հաստատել համեմունքների, մետաքսի և այլ եկամտաբեր ապրանքների համար: 1492 թվականի օգոստոսի 3-ին նա մեկնեց Իսպանիայից երեք նավերով: Այդ նավերը կոչվում էին Սանտա Մարիա, Պինտա և Նինա:



Ավելի քան երկու ամիս ծովում մնալուց հետո Կոլումբոսն ու նրա անձնակազմը հասան Արևելյան Հնդկաստան, թեև իրականում նրանք հասել էին Կարիբյան կղզիներ:

Կոլումբոսի ճանապարհորդությամբ սկիզբ դրվեց դարեր տևած գաղութացմանը և նվաճումներին՝ օգնելով ձևավորել ժամանակակից Արևմտյան աշխարհը:

Կոլումբոսի ներդրումը շարունակում է քննարկման առարկա դառնալ: Կոլումբոսին շատ են մեծարում մահից դարեր անց, սակայն գիտնականները ուշադրություն են հրավիրում նաեւ բացասական կողմերի վրա, ինչպիսիք են նրա դերը Տաինո ժողովրդի վերացման գործում, ստրկատիրական մղումները և այլն:

Արևմտյան կիսագնդի շատ աշխարհագրական օբյեկտներ կրում են նրա անունը, ներառյալ Կոլումբիա պետությունը:

Ֆեռնան Մագելան

Առաջին ճանապարհորդությունը ամբողջ աշխարհով



Ֆեռնան Մագելան (1480–1521), պորտուգալացի ծովագնաց:
Նրա ղեկավարությամբ տեղի է ունեցել առաջին շուրջերկրյա ճանապարհորդությունը:

Մագելանը ձգտում էր գտնել երթուղի դեպի Ինդոնեզիայի կղզիներ, որոնք բաղձալի էին իրենց արժեքավոր համեմունքների պատճառով:

Մագելանի ճանապարհորդությունը

- 1517 թ. Պորտուգալիայից մեկնել է Իսպանիա
- 1519-1521 թթ. ղեկավարել է 5 նավից կազմված իսպանական արշավախումբը, որի նպատակն էր հասնել Մոլուքյան կղզիներ
- 1520 թ. հասել է Լա Պլատայի գետաբերան, հայտնագործել Սան Մաթիաս և Սան Խորխե ծոցերը
- Անցել իր հայտնագործած նեղուցով (Մագելանի նեղուց), կտրել Խաղաղ օվկիանոսը (17000 կմ)
- Հասել Ֆիլիպինյան կղզիներ, որտեղ սպանվել է տեղացիների հետ ընդհարման ժամանակ



Արշավախմբի միայն մեկ նավ է վերադարձել Իսպանիա՝ հարավից շրջանցելով Աֆրիկան: Մագելանի նավարկությունը վերջնականապես ապացուցեց Երկրի գնդաձևությունը և Համաշխարհային օվկիանոսի առկայությունը:

Վասկո դա Գամա

Ծովային ճանապարհորդ, ով կապեց
Եվրոպան և Ասիան

Վասկո դա Գամա (1460–1524) պորտուգալացի
ծովագնաց:

Նա առաջին եվրոպացին է, ով Աֆրիկա
մայրցամաքը հարավից շրջանցելու միջոցով
հասել է Հնդկաստան՝ հայտնագործելով դեպի
այդ երկիր տանող ծովային ճանապարհը (1497-
1499 թվականների ճանապարհորդության
ընթացքում):

Ի տարբերություն Կոլումբոսի, դա Գաման ձգտում էր շրջել
Աֆրիկայի հարավային ծայրերով և անմիջապես ծովով
հասնել Հնդկաստան՝ շրջանցելով մահմեդական և
վենետիկյան առևտրականների կողմից վերահսկվող
ցամաքային ուղիները:

Դա Գամայի ճանապարհորդությունը

1497 թվականին դա Գաման չորս նավարկություն սկսեց
Լիսաբոնից՝ նավարկելով Աֆրիկայի ափերով:

Այժմյան Սիեռա Լեոնեի ափերին հասնելով՝ դա Գաման
քամիներից խուսափելու համար ուղղություն է վերցնում
դեպի հարավ-արևմուտք՝ խորանալով Ատլանտյան
օվկիանոսում: Հասարակածը հատելուց հետո
ծովագնացներն ուղղությունը փոխում են դեպի հարավ-
արևելք և 1497 թվականի նոյեմբերի 4-ին նորից հասնում են
Աֆրիկայի ափերին: Ավելի քան 3 ամսվա ընթացքում
նավերը բաց օվկիանոսում կտրել-անցել էին գրեթե 6000
մղոն տարածություն՝ կատարելով ժամանակի
ամենաերկար ճանապարհորդությունը:

